




Broj K-I-72/09
Sarajevo, 23. juli 2009. godine



Parlamentarna skupština Bosne i Hercegovine
Predstavnički dom
Trg BiH 1
71000 Sarajevo
Bosna i Hercegovina

n/r predsjedavajućeg Predstavničkog doma
Berizu Belkiću

PREDMET: Odgovor na akt, broj 01-50-1-15-57/09, od 13. jula 2009. godine.

Poštovani predsjedavajući Predstavničkog doma gospodine Belkiću,

U vezi sa Vašim poslaničkim pitanjem, dostavljenim putem akta broj 01-50-1-15-57/09, od 13. jula 2009. godine, a kojim tražite da, kao predsjednik Ustavnog suda BiH, dostavim odgovor na pitanje poslanika Slavka Jovičića: „Je li je BiH jedina zemlja u svijetu koja retroaktivno primjenjuje Krivični zakon“, imam obavezu da Vam ukažem na slijedeće:

Ustavni sud BiH nije „drugi subjekt“ u smislu člana 156. stav 1. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 33/06, 41/06, 81/06, 91/06 i 91/07) kome zastupnici mogu postavljati pitanja u vezi sa specifičnim činjenicama ili situacijama, ili dijelom nadležnosti (član 151. Poslovnika Predstavničkog doma Parlamentarne skupštine Bosne i Hercegovine). Ustavni sud BiH je dio sudske vlasti BiH. Princip podjele vlasti na zakonodavnu, sudsku i izvršnu je inherentan element principa vladavine zakona, koji je propisan članom I/2. Ustava BiH. Podjela vlasti

R. Dž. Čauševića 6/III, 71000 Sarajevo

tel:
+387 33 251 226

fax:
+ 387 33 561 134

web:
www.ustavnisud.ba

e-mail:
sud@ccbh.ba

podrazumijeva, *inter alia*, međusobnu nezavisnost. U vezi s tim, a u skladu sa članom 2. Pravila Ustavnog suda BiH („Službeni glasnik Bosne i Hercegovine“ br. 60/05 i 64/08), Ustavni sud BiH je samostalan i nezavisan „u odnosu na druge organe vlasti u BiH. Nijedan organ u Bosni i Hercegovini ne može donositi zakone, druge propise i opšte akte koji se tiču rada Ustavnog suda i njegove uloge utvrđene Ustavom“. Prema tome, nadležnosti Ustavnog suda BiH, njegova prava i obaveze, uključujući i obaveze prema drugim institucijama BiH, regulisane su isključivo Ustavom BiH i njegovim pravilima. Shodno tome, Ustavni sud BiH ne smatra se formalno obaveznim da dostavi odgovor na „poslaničko pitanje“.

Ipak, naglašavam da je, u skladu sa članom 11. *et sequ.* Pravila Ustavnog suda BiH, rad Ustavnog suda BiH javan. Javnost rada Ustavnog suda BiH osigurava se, između ostalog, dostavljanjem informacija o načinu njegovog rada, omogućavanjem zainteresiranim licima da izvrše uvid u predmete o kojima Ustavni sud odlučuje ili na drugi način. Osim toga, Ustavni sud BiH ostvaruje saradnju sa drugim institucijama, u čemu predsjednik Ustavnog suda BiH ima posebnu ulogu (član 89. Pravila).

Uzimajući u obzir prethodno rečeno, a s obzirom na karakter postavljenog pitanja, Ustavni sud BiH smatraće ovaj zahtjev kao zahtjev za pristup i dostavu informacija u smislu člana 4. Zakona o slobodi pristupa informacijama u Bosni i Hercegovini („Službeni glasnik BiH“ broj 28/00).

Ustavni sud BiH se do sada bavio pitanjem retroaktivne primjene Krivičnog zakona BiH („Sl. gl. BiH“ br. 37/03, 54/04, 61/04, 30/05, 53/06 i 55/06) u dvije svoje odluke o dopustivosti i meritumu. Vodeća odluka, u kojem je zauzet stav po ovom pitanju, je AP 1785/06, od 30. marta 2007. godine (objavljena u „Sl. gl. BiH“ broj 57/07), u kojoj je dat iscrpan odgovor na ovo pitanje (tačka 60. i dalje). Takođe, ovo pitanje je razmatrano i u predmetu AP 2281/05, od 6. jula 2007. godine (objavljena u „Sl. gl. BiH“ broj 79/07). Sve odluke su dostupne, takođe, na Internet stranici Ustavnog suda BiH: www.ustavnisud.ba.

R. Dž. Čauševića 6/III, 71000 Sarajevo

tel:
+387 33 251 226


fax:
+ 387 33 561 134

web:
www.ustavnisud.ba

e-mail:
sud@ccbh.ba

Što se tiče pitanja retroaktivne primjene krivičnog zakonodavstva u drugim zemljama, Ustavni sud BiH ne može dati odgovor na ovo pitanje, jer ono ne spada u nadležnost Ustavnog suda BiH.

S poštovanjem,



Predsjednik

Ustavnog suda Bosne i Hercegovine

Prof. dr. Miodrag Simović

M. Simović

R. Dž. Čauševića 6/III, 71000 Sarajevo

tel:
+387 33 251 226

fax:
+ 387 33 561 134

web:
www.ustavnisud.ba

e-mail:
sud@ccbh.ba